

麗水縣志卷三

麗水縣知縣黃平彭潤章重修

山水

麗為山縣郡志載其名僅三十有九隘矣今廣其數為百餘而孕奇蓄異品目未加者尙不知凡幾也水約以數十計而通舟航之利者曰大溪蓋經流惟此耳今備著其次第曲折而支水之會於經者則件繫書之覽者可以瞭如矣

棗山 在縣治北郡署據其麓

菱山 在棗山西北西為通惠門城闌東為總戎瞭

麗水縣志

卷之三 山水

一

臺邑治西北鎖鑰也明張敦復王廉居此廉因以

山名集今其巔建護國夫人廟

張敦復詩雙障嵐光合孤亭野色分

樓臺渾未盡斷處補閒雲

皇甫汭詩張平樓隱

處閉戶只翛然心遠雲林外春歸花鳥先草間寒

積雪竹下暗鳴泉欲訪

辛夷塢題詩寄鞦川

萬象山 在縣治西南城中之山此為最高宋參政

何澹建萬象樓於其上山因以名元改為崇福寺

明萬歷中右參議徐雲程建一覽亭於前俯臨城

市近挹溪光儼若圖畫

國朝道光十八年寺僧達真因亭建樓羅學使文俊以

烟雨榜之

詳見古蹟門

左有大觀亭松篁蔚鬱亭後為

秦淮海祠咸豐十一年寺燬於寇松篁亦斬伐無餘同治四年知府清安命聖人董紹裘仍植以松今漸成林有葱蘢之象矣張敦復詩地控蒼山溟海迴鯨波東抱巨靈開中天樓閣虛空出萬象風烟曠野來苔古甯磨松雪石秋高悅上葛洪臺微雲點綴城頭月鼓角今宵且莫催喬因阜詩岩巖鷲嶺出林端風景真能慰壯觀江上羣山遙對酒城中萬戶迴憑闌層空日隱雲霞爛綺閣宵分燈火殘愛客仲宣知未厭重來倘許更邀歡徐望璋詩青山佳氣鬱葱蔥爽籟松生滿壑風期與高朋游汗漫來從老衲說元空樓頭烟雨懷詞客亭外鶯花溯寓公匹練澄明秋水落估帆掩映夕陽中城端幾疊擁仙鬢底處飛來有此山半幅歸雲依木杪數聲清磬出禪關綠藤春老人何在碧蘚碑深字欲刪乘興憑闌閒眺望疎松陰裏一僧還

擇山 在縣治西南山舊多擇木故名唐刺史李繁

麗水縣志

卷之三 山水

二

因古社稷壇廢址建夫子廟於其上俗呼廟山今縣學在焉

錦山 在縣治西與菱山相對舊多蒔桃花時若錦

繡

月山 在萬象山東

案得名之故殆不可考枯蒼彙紀以為海月初升先得其光望

文生訓失之誣矣

姜山 在擇山西宋秦觀謫監酒稅時常居此山

前即酒稅局故址姜綬故宅在焉山上有懸藜閣

及元鄭似山墓

端木國瑚姜山秦淮海監酒稅處詩鶯花昨夢總飄零一笏姜山似

舊青木石流傳餘氣韻詩篇寄託有精靈小滕蘿草埋吟屐隔代蒼苔出酒瓶太息藤州人去後難

將風月問園丁自注云嘉慶初
土人於其處掘得宋時酒瓶

梅山 在富山東宋姜特立別業在此故名其集曰

梅山栝蒼彙紀云宋士大夫多居此今山上下皆

何氏宅有翠微閣悠然堂歸雲亭案今何氏亦星

散山石剝落類雞冠故俗呼雞冠山矣顧大典詩
東風吹不

斷門掩暮山青雲度鳥飛疾花深畫欲暝亭開
招隱地人應少微星歡賞情無極歸軒列炬熒又

富山之西亦名梅山上有金鐘廟廟中有梅山修

路碑

富山 在擇山東卽古三皇嶺明嘉靖中因三皇廟

廢址建元勳祠祀誠意伯劉基

麗水縣志

卷之三

山水

三

囿山 在富山東古名新意山有山堂爲宋給事王

信別業鄱陽洪邁爲之作記今爲忠靖王廟法海

寺在其麓

圭山 在囿山西明太僕卿張敦仁以倭警徙居山

麓嘉靖間郡守高超建圭山臺於上

國朝康熙間郡守劉廷璣就臺建閣以祀文昌咸豐十

一年閣燬於寇同治十二年章籌款重建山西爲

蓮城書院東爲

萬壽宮官民祝釐之所

張敦仁登圭山臺詩新卜茆居
傍石臺每從臺上一徘徊爲嫌

城市風塵暗却對江山日月開練水雨餘飛白下
巾山雲盡送青來自憐野眺供遲暮敢負登高作

賦

華祠嶺 在縣治西街

迎秋嶺 在府學東嘉慶間教授張駿因俗呼迎秋

為泥鰍改題龍門字以榜之今或昧其故名矣

以上城中山

案府志城中山有天皇嶺山堂嶺考天皇蓋天王之說今不在城中山堂

則圍山一小徑耳今不錄

壽元山 在縣北十里崔巍雄峻為郡之鎮山山北

為陳寮又名陳寮山

琰杯山 在壽元山西南二山相對如杯琰土人呼

杯琰為琰杯故以名山

麗水縣志

卷之三 山水

四

麗陽山 在縣北十里壽元山右麗水出焉山南為

麗陽廟

白雲山 在縣北十里高六百餘丈練水出焉叢篁

老樹蔽日搖風盛夏登臨清涼沁骨山阿時有白

雲湧出可占晴雨中有福林寺寺前曰鏡心池池

左曰借閒堂為明光祿卿王一中讀書處寺西一

峯孤峙曰仰天甌山下雷雨交作峯顛猶烈日也

山半有冷泉半山歸雲諸亭大旱祈禱輒應禮所

云能出雲為風雨者也

孟浩然詩萬壑巉巖一徑開中間空洞白雲堆陽坡草

歇人稀到時有青猿曝背來邊貢詩絕頂烟霞湧佛宮腰輿百轉路纔通羣山下瞰惟蒼靄孤嶂

高深有烈風跌坐可憐禪榻穩豪吟那放酒杯空
欲尋地主搜靈異東栝名山更幾重汪瑛詩夕
陽下山去我却上山來磴道消殘雪院橋滑翠苔
峯高寒月小洞黑暗雲埋不見故人面惟聞山鳥
哀心期雖已副襟抱竟難開折路詢樵牧深林怯
虎豺磬息齋方罷門扃首重回山靈應笑我歸步
自相催皇甫汭詩春山行處盡始覺白雲深錫
化無僧住鐘鳴有客尋花溪遙隱壑蘿徑曲通林
坐得浮生理悠然忘我心王一中詩挾策耽幽
勝羣峯入望明霧深元豹隱雷動蟄龍驚羨爾探
禪乘備余涉世情白雲如有意去路幾迴縈軍
大任詩撫景臨朱夏褰帷入白雲遙尋香積地先
謁麗陽君老樹何年種清池一鏡分問奇吾意在
法藏有同文蓮城名宇內蘭若倚山顛輪轉三車
吼峯攢百丈懸香泉開淨土遠樹帶晴煙咫尺龍
湫雨春回萬頃田白雲最深處舍利護金身萬弓
披全藏三生悟宿因鐘殘山月小臺散雨花春歲
歲菩提長禪師獨卧輪古寺雲長白高人心自去
酒邀芳草路農喜麥秋天宗鏡三歸悟神燈萬葉
傳使君愛初服騎從遠山前周茂源詩郡樓北

麗水縣志

卷之三

山水

五

望鬱岩巖絕頂烟林鹿苑遙參悟欲尋金粟果行
游先發白雲謠一從開士留飛錫時引高人度石
橋最是方塘凝碧處夜深恐有老龍朝禪棲偶涉
已忘家此處靈山路未餘覽勝春郊遲五馬皈心
淨地演三車紫衣坐擁中朝賜祇樹庭開絕域花
可奈伊蒲供饌畢起看旛影日將斜劉廷璣詩
朔風聲裏雪初晴踏雪凌風上翠屏絕頂正愁三
折路半腰誰構一間亭無人尋處梅全白任歲寒
來石更青清磬忽從雲外落老僧方課午時經寺
在青霄第幾重門尋不見白雲封林中時過生風
虎潭底常歸帶雨龍繞屋無牆多種竹過橋有路
半栽松卻因翠色交加處遮斷牕南四五峯袁
枚登白雲山望處州城詩高絕白雲嶺登臨忘世
間一州如斗大四面總山環竹映春波綠僧如野
鳥閒羨他張仲蔚到此閉禪關自注
云常州張秀才披薙於此釋名良緣

水簾洞 在白雲山北二十里高倍於白雲蓋以山

下石室得名也室廣丈餘深三丈許盛雨時飛流

懸下如垂簾內有泉穴如窪尊深財數寸而飲之不竭

稽勾山 在縣北一百里峻嶺盤回二十許里漢中

記云峻嶒百重絕壁萬尋既造其峯謂已踰崧岱

復瞻前嶺又倍過之此其類矣山北即武義縣境

為甌括達婺之間道實北鄙要害也劉基詩白日

氣象豪溪流婺女關山入少微高危石天欹
側長風谷怒號干戈方自此行役敢辭勞

雪峯山 在縣北九十里跨麗縉二邑之間峭壁斗

崖攀緣幾絕上有百丈潭潭水溢而南注乘巖直

下眩目震耳今名百丈洩案水經漸江篇鄴注引
諸暨五洩山而釋之曰

麗水縣志

卷之三

山水

六

此是瀑布土
人號為洩也

下匯山 在縣北七十五里庫川莊石壁窅窳如無

道徑稽勾雪峯二水交匯山下故名

鹿眠山 在下匯山東崇岡疊阜險邃幽深向為麋

鹿所聚獵者時遇之

離陽屏 在鹿眠山東又名高尖味旦日出光被最

先猶秦岱之有日觀也其下為金鉤寨危峯圓聳

頂乃平曠前明鄉人避寇於此石堡尙存

牛岱嶺 在縣東北七十五里由麗入縉之間道設

險者所當措意也

大姥山 在縣東北七十里爲麗縉接壤處高二十餘里麗山率其分支也

三條嶺 在縣東北六十里與縉雲接界

青巖洞 在縣東北六十里寬廣容數十人中漸低漸黑莫究其極投以石半响猶有聲

雙尖寨 在縣東北六十里絕壁峭峙其巔頗平曠元至正明正統間院里人築堡以禦賊遺址尙存將軍嶺 在縣東北五十五里元末林彬祖爲石抹

宜孫參謀屯兵葛渡往來於此後人因以爲名

西堂山 在縣北六十五里金竹村西山下有西堂

麗水縣志

卷之三

山水

七

廟其所祀神卽吳赤烏時檄龍於百丈洩者也詳見大溪水下河條下

九盤山 在縣北六十里西溪之後四面險峻上極

坦夷有廢壘名棋盤寨元明間避亂者所築

宋有章詩

拋却家園上九盤
邈迤步入白雲端
山依北斗心期遠
地盡東甌眼界寬
陡覺置身高處險
從知行路古來難
昂頭且倚嵯邊坐
一陣天風五月寒

環山 在縣西北六十里上建奎閣今名鰲山

大鶴山 在縣北四十五里其北爲小鶴山二山亭

岩對峙相距里許爲趨婺別道厓峻路危行者攬石摩胸僅乃得過明萬曆中縣人何鋼闢徑山麓

崎嶇相似而迂遠彌甚故率由故道云

謝山 在縣西北四十五里四面陡峭徑路幾絕其巔周圍如盆盎居民十餘家掩映於叢篁古木雲中雞犬非復人間

季嶺 在縣西北四十五里細徑紆回劣堪容步謂之十八折登峯造極衆山俯若兒孫矣山脊路尤險窄如度危橋

時風洞 在縣西北五十里珠術季嶺之間懸崖百仞下臨深澗上逼青霄頂有一穴深不可測夜中時有白氣上騰投以小石輒隨風而出

麗水縣志

卷之三

山水

八

景寨 在縣北四十里長瀨村後迤邐十餘里唐世鄉人避亂築壘於此巨石纍纍焉

梓巖洞 在縣東北五十五里洞廣四丈許中有泉穴禱雨輒應其下山水所經爲葛渡

梅田山 在縣東北四十里舊爲赴縉雲官道鄉民立市於此古驛廢址尙存

玉山 在縣北三十五里上有玉山廟

八面山 在縣北三十五里於衆山匝匝中離立孤聳人蹟不到時有丹霞白雲往來游曳

風雲山 在縣北三十里連山插漢峻磴摩雲上有

一峽如門彙紀所謂風門嶺也山脊磊石爲寨蓋昔時設險守望之所

霧露尖 在縣西北三十里層巖峭舉時蒙烟霧西岡三里許多赤石名石龍岡

桐樹岡 在縣北三十里張吉安詩石磴紆回最上層谿山歷歷記吾曾雲盤山勢雙龍下風捲谿聲萬馬騰臨水人家環翠竹斜陽僧院挂紅藤到來便擬神仙宅多事三霄控

鶴昇

破靴嶺 在縣西北二十五里古設菱院驛於此

鳳凰山 在縣北二十五里單立銳上亭亭秀峙其顛清冷一泓沙明水淨俯視潛鱗如可手拾山有

麗水縣志

卷之三

山水

九

塊非土非石圓若雞子旋去旋長俗謂之鳳凰卵案十國春秋載鶴衣道人醉卧處州鳳凰山下爲里婦所詬跨鶴而去後人建祠祀之即今報恩光孝宮云云此乃龍泉之鳳凰山見何執中龍泉萬壽宮記

黃山 在縣北二十里上有二石廣五丈許層疊如磨合力推之可旋轉云古有仙人煉丹於此故名

仙人磨

甘泉山 在縣北二十里元季避兵者磊石爲寨周氏女善才拒賊死此

顯佛壇 在縣北二十里山半有佛像不甚了了諦觀益真以下臨深潭莫能迫察焉

烈孝崖 在縣西北二十里官橋村南元末祝崑母子遇賊投崖處後人刻烈孝崖三字於石壁山之西曰曹塢巖間橫刻寅卯年避亂在此七字下凡三行曰亥子丑年天下大亂在此巖下安偈十四字又有觀世音三字蓋題者幻名不書何代意在元至正十九年己亥以後胡大海等取處州元明鼎革之交也鄉沒於苔蘚道光二十年樵人搜剔出之

朝笏巖 在縣西北十五里武村莊挺立水中高十餘丈形若拱笏又名將軍石

麗水縣志

卷之三 山水

十

桃山 在縣西五里衆岫沿溪森如列戟爲西北雄障有一石狀若癯僧面壁兀立故又名石僧山山西有小穴僅容手試探有圓石盈握至穴口輒不

得出手開石墜碌碌有聲謂之桃山寶藏案枯蒼彙紀云宋紹興間劉大中以兵部尙書出守處州未幾召還上問石僧之狀大中對以詩曰雲作袈裟石作身巖前獨立幾經春有人問我西來意默默無言總是眞考湖海新聞宋高宗一日坐寢殿湯丞相思退侍立上曰卿家處州有何迹思退曰臣鄉有石僧題詠云云遂大稱旨本無此詩徹夜遣人歸刻於石僧之旁二說互異均之不相根耳

湯山 在桃山東南臨大溪北俯練水交帶互映雅稱麗矚其上澗阿幽邃草樹蔥鬱昔有湯姓者隱

此故名

天王山 在通惠門西向有唐天王像又有碧霞元君祠祠中銅像高五尺

國朝乾隆間以祠久廢遷像於縣治西碧霞元君廟今

改為泰山廟

案名勝志云在府城西北隅城壁繞其上此因唐宋舊治言之今不得仍

其語矣金石史云唐時西蕃寇西涼詔僧不空入誦仁王密語神兵見於殿庭西涼果奏雲霧中見神兵鼓噪蕃部有金色鼠咋絕弓弦城均幻光明天王怒睨蕃帥大奔帝敕諸道城樓置天王像是山故城址後城徙而像存遂以像名山也宋元符元年方壙等三巖磨崖云過天王晚宴寺門又口碩夫等磨崖亦有晚過天王山語則當時為游觀之所矣劉涇詩金碧為家定化城書牀南堰畧相迎人間蝶夢正深黑天上木魚初發明半里好峯招隱路一枝枯竹助閑行已慚懷絨無高致可

麗水縣志

卷之三

山水

十一

更標門著姓名案書牀蓋山名今無能確指顧大典詩喜得求羊侶來尋古郡庭溪光雨後綠山色醉邊青蘭若金為地蓮城翠作屏鶯花餘夕照惆悵范公亭

小栝蒼山 在城西里許即小栝山又名蓮城山亦

名九盤嶺唐宋州治皆在焉即今之西山也與城

中萬象山岡阜連接

案真誥云小栝蒼山在永嘉溪橋之北左慈元放所治列

仙傳云左慈建安末渡江尋山入洞在小栝蒼山道家之說率多不根他若眾仙記等書附會尤多今悉不錄季洧詩栝州故治俯城頭夏日相將避暑游雙合溪流縈似帶九盤山氣爽於秋懷人怯誦鶯花句覽勝宜登烟雨樓惆悵遺踪無可問祇餘西寺磬聲幽

三巖 在縣西北二里巖之類屋者三中巖曰白雲

最高敞右壁有宋戎鈴題名前懸瀑斗注如建瓴

高屋下巨石屏立激水四散屏石之陽刻唐李邕
雨崖二字字大徑四尺陰爲宋劉涇詩刻其上峭
壁俯出有宋通判黃蕃郡守安劉等題名由中巖
前而左步漸下有石如門稍進巖形如半月是曰
清虛由中巖抄仄徑前而右壁上篆刻斑駁唯巖
字可辨其半劉涇詩所云消磨篆不文者殆謂此
矣徑盡巖曰朝曦高廣亞白雲而過於清虛游人
吟詠飲宴率安硯席於此後有石丹碧如繪暗泉
出石罅鑿小池承之曰丹泉自晨曦右轉循磴道
逆上復有巖差小登之如層樓舊無名故僅曰三

麗水縣志

卷之三

山水

十一

巖也三巖嶙峋岵岵不粘寸土而蒼藤穴石垂荔
引波勝概天成不假人力又地在近郊無裹糧之

費躡屣之勞故游踪如織云

案三巖之名始於宋州守李堯俞李記所

云巖前池廣數畝者今唯承溜處有池半畝許所
云北有石谷如犬竇者已不可問故以目驗者書
之而綴原記於後詳畧可互證焉季堯俞三巖
記栝蒼三巖距城一里餘土人不之奇皇祐初余
同幕僚韓純訪近郭溪山而得之始出左渠循狹
徑入茂林脩竹間有巖負疊巘景物蕭然疑在物
外目之曰清虛自清虛南過石徑直上磴道十餘
級又有巖廣闊高大倍於前洞門面巨石勢若壁
立山椒有瀑灑落石外寒暄之氣變於跬步目之
曰白雲由白雲轉兩石門有方沼上廣橫石如小
梁復有巖巋如高屋深袤五丈廣踰六尋可設宴
豆面勢向東目之曰朝曦其北有石谷如犬竇燧
火而入邃如房宇但見積水清激不復窮其遠近
三巖前有池不啻數畝廣水光山色高下相激奪

人目睛昔謝公爲永嘉守有石門之游至今流詠
不已較於是遠所不及何數百年不遇一人稱道
耶嘉平月既望幸同僚高會劇飲不復有人間思
慮盤桓夕景躍馬而歸乘興揮豪題於洞壁姜
特立詩一見便非凡世界恍然堯率化成宮未分
混沌天無巧已鑿谿窾鬼有功百尺飛泉晴亦雨
四時陰穴夜吹風莫將俗駕汚仙境明日紅塵在
眼中邊貢詩枯蒼山叢紛阻修我來處處歸冥
搜南明雙屐始著地探奇又到三巖游三巖三洞
神仙府重門窈窕烟霞古山鬼中天護秘文巨靈
何代勞神斧鸞鶴駕不可尋飛蘿懸葛長陰陰
揮杯獨酌巖中水一片清冰冷我心丹叩碧海尋
常事嘆息終年在城市便擬嵇生著絕交來向山
中訪松子皇甫詩峭石何年斷飛泉竟日聞
虛堂秋易入晴樹雨難分夜似觀廬瀑朝疑帶楚
雲坐深羅袖冷猶自戀氤氳叩雲霄詩野情吟
出郭幽探入蘿烟諸洞虛生白三巖勢欲懸晴雲
常結雨寒石暗通泉愛此深冬草青青池水邊
王明汲詩政暇日初永郊行到翠岑溪橋青碧近
山寺綠蕪深雨後松無暑雲邊竹有陰定泉留古

麗水縣志

卷之三

山水

三

蹟虛谷發清音泛蟻頻舒嘯聞鵬若助吟巖前寒
溜滴聊爲濯塵纓王一中詩三巖洞壑近城頭
夏日登臨興更幽飛瀑懸崖晴亦雨叢林蔽戶暑
先秋捫蘿屐印蒼苔滑席地尊開綠蟻浮怪道少
微占石隱出門便是有丹叩端木國瑚三巖十
詩石池云石色青到天飛泉挂在樹履聲池上來
驚起雙白鷺雨崖云寒崖濺踈雨潭上秋慄慄自
從開闢來天晴未一日聽雨軒云蕭蕭巖雨響戶
牖皆涼意試問此中人春來可曾睡白雲洞云巖
洞敞谿窾下俯澄潭水白雲去復來清閔吾與爾
定泉云流泉有波瀾定泉無動寂吾欲盟此心前
來飲涓滴清虛洞云云何是清虛清虛無可象問
佛佛無言坐聽巖泉響晨曦洞云風雨夜來止棲
鳥亦已出洞口紅日光老僧來捫蝨丹泉云寒泉
浸莓苔清深指可測人間落葉時此水桃花色無
塵處云蒲團靜無垢攜來暫憩歇滿地綠無聲竹
影掃明月蝙蝠洞云千年白蝙蝠化
作一童子夜夜月明時洞中聞藥杵

以上北鄉諸山

滴水巖 在縣東北七十五里與縉雲分界處壁立數百仞巖隙暗泉滴瀝盛夏不竭嚴冬則冰箸晶懸矣

芟青巖 在縣東五十里

劉山 在縣東四十里元末李文忠敗苗帥賀仁德於此下有却金館明温州守何文淵却金處事詳

古蹟 劉基劉山驛次林彥文韻詩青泥九折度危峯翠木千章集遠風欲爲流離安堡障甯辭辛苦涉蒿蓬梧桐葉落無棲鳳荆棘枝寒有怨鴻旦夕升虛聊望楚何時重賦定方中

俞山 在縣東四十里明季權礦稅於此

銀場山 在縣東三十二里明季開礦時設鑪冶於

麗水縣志

卷之三

山水

古

此

國朝嘉慶九年儀徵阮相國元巡撫浙江刻枯蒼古道四大字於石壁咸豐八年行營總兵周天受依山爲營壁壘未立賊繞出其後大戰敗走白骨累累事平瘞爲一大家焉

望城嶺 在縣東二十里自縉雲度嶺萬山叢阻至

此始見城郭 方亨咸詩莽莽嶺頭道蕭蕭傍曙征木凋山骨露月落水心明澗石響飛雨炊烟動晚城霜禽起孤翼著意向人鳴

五釜尖 在縣東六十五里壁立霞峙徑路始絕初莫曉其命名之由近有採藥者捫葛攀蘿僅乃得

至見五盜釜覆土中力舉之不能動蓋古厭勝之具也

太師巖 在縣東六十里金鳥莊高數十丈若獅之張口旁二巖若小獅之蹲伏

武山 在縣東四十里喜康鄉層巒疊嶂深窈奇秀探奇者時問道於此焉

天堂山 在縣東三十五里亦名玉峯山高數百丈山上爲天堂坪有葑泥數畝踐之則陷山下爲蟄龍洞洞左有穴風自中出洞右有田馱古廟禱雨輒應

麗水縣志

卷之三

山水

五

楊梅岡 在縣東四十五里康熙中惠獻貝子勦閩逆餘黨於此故亦名營盤山縣東二十五里亦有楊梅岡居民曾結寨避寇俗呼爲寨山

寵壑巖 在縣東十三里天堂之西兩崖壁立有洞可容數十人前有度仙橋今廢緣微徑上巖巔爲登仙洞鄉人嘗避亂於此亦名寨山巖下爲伏龍洞內有深潭投以石聲如雷巖前有窪石如臼年豐則沙盈其中歉則沙徙而外土人以驗歲登否如越人之占射的矣

劉涇磨崖詩刻蒼崖如堂水如布橋危如繩石如鋸不有樵夫踏破雲世間可復知深處宋紹聖三年十月九日同方塊程宏席昌壽杜頴來口僧太新磨崖

案彙紀所載與此小異今從石刻

觀音巖 在縣東十三里宋紹興間水暴漲居民泊船巖頂置所奉觀音像於巖穴水退巉巖壁立不可復取因以名巖

仙人步巖 在縣東二十里祝村莊兩巖相對巖頂各有一巨人蹟

將軍巖 在縣東二十二里下臨好溪上有窟穴露半身石像操笏者過此恒爇香致禱呼曰石將軍
鵝鳩山 在縣東二十里俗名鵝鳩尖絕頂巖穴東向

麗水縣志

卷之三

山水

六

國朝乾隆初有人辟穀修真於此後不知所終好溪環其下宋劉涇詩鵝鳩山下溪聲好是也

靈鷲山 在縣東二十里與鵝鳩山相對好溪環其前層嶠峙雲重蔭被水霜旦晴初尤極幽致中有靈鷲禪院宋紹聖中郡守劉涇建溪雨亭於上山南有元祝梅所墓碑

案寺碑寺額均作靈鷲通志府志脫鷲字

佛頭巖 在縣東五里又名碧雲山俗呼陳磴頭大溪經其下巖石砢嶠砥柱中流城東之咽喉也明萬曆十三年知府俞均建塔於其上未竟遷去二十二年知府任可容踵成之

柳質空中禪師塔銘高峯和尚妙公卓錫

臨安西天目枯蒼空中禪師獨依之度十寒暑辭歸居十年葉居士順宗又卜城東碧雲山作佛頂精舍向師作禮求說第一義諦至元丙子之歲夏坐佛頂微疾而化葉居士謂師化緣在是卽奉全身葬精舍東隴

以上東鄉諸山

燕窠山 在縣南八里形橢圓若燕巢北面巖石橫出若雛燕之待哺者

少微山 在下河之南舊有少微星君祠以郡應少微處士星也又有妙成觀紫虛觀唐宋高道杜光庭章思廉輩棲真於此石壁刻素華處士張公之瑩八字駁蝕過半蓋已古矣紫虛觀南曰眉巖有

麗水縣志

卷之三 山水

七

章思廉墓後人築室巖旁以祀之曰神仙宅劉基爲之作記詳寺觀巖上有巨人蹟十數深入石理莫明其故

南明山 在縣南三里山半與兩池之交築亭曰流觴更進則峭壁飛泉濺襟灑面有亭面壁卽宋漉雪亭也循磴道而上爲爽氣亭今俗呼半山亭矣再上有巨石橫空逕十餘丈曰石梁前有老樹鐵幹虬枝皮可療病曰將軍樹侯一元詩所謂大樹近將軍者也其下曰印月池有宋張康國磨崖池北曰幽光亭西爲獻花巖又西爲彌勒龕就山鑿

石而屋之南轉度石峽如門古佛曰仁壽寺也前
臨方池蔚藍澈底後有葛井相傳爲葛洪鍊丹處
再上石壁窅窳多宋人題字西轉爲高陽洞刻宋
孫沔沈适紀游拾級屈曲至最高處曰千里亭憑
虛閣閣闔城市歷然星布崖間有葛洪靈崇二字
米芾南明山三字此山之大概殆昔人所云目不
周翫情不給賞仰矚俯映彌習彌佳者正無容一
一名狀也邊貢詩石磴抱雲回亭亭積翠開蒼藤
昏古殿碧樹隱仙臺鐘鼓三天下風雲
萬壑來不知千載後誰憶此銜杯地僻無人賞靈
山迥獨看石梁橫絕險巖洞倚高寒靜已忘塵世
狂猶繫冗官長歌送西日野色上虛闌皇甫汈
詩名山終古俯南郊出郭纔聞一里遙直指千峯

麗水縣志

卷之三

山水

六

探化閣暫依雙樹息塵鑣梁橫斷壑雲常覆澗落
疎泉雪未消莫訝使君非好靜桓伊今就遠公招
喬因阜詩夙慕南明勝招邀况有君詎知終夜
雨不柰滿空雲高館藏幽渚仙梁隔世氛塵踪原
未到莫擬北山文侯一元詩南明藏古洞勝地
舊來聞爲聽三乘法欣從五馬羣棠陰分侯吏大
樹近將軍不覺清談裏秋城已暮雲采應鍾詩
空山萬疊芙蓉石游客時來問往年瀑布畫寒干
歲雨石梁秋瀉半峯烟憑高對景非無意把盞題
詩合有緣斜日酒闌歸路晚一州燈火滿前川
王養端詩不到南明路於今已十年乾坤餘短鬢
踪蹟本枯禪洞隱千峯月城浮萬樹烟座中有高
士談笑吐青蓮風日經秋淨尋幽入化城客能憐
二仲僧爲說無生花動泉初落山空石自橫掀鬚
成一笑何用嘆浮萍顧大典詩最愛城南寺名
山俯郡樓偶因公事暇來共使君游寶地開蘭若
靈區勝沃州溪聲喧遠籟霜氣肅清秋千里方辭
越羣峯半入甌危梁懸絕壑巖巖引飛流徑仄孤
亭迥苔封古洞幽青蓮結宇淨紅樹隔林稠佐牧
隨劉謝尋僧得惠休慈雲迎畫戟法雨濕行騶坐

悟觀空理悠然忘去留屠隆詩恬蒼之勝推南
明秋後木落天氣清使君夙耽林壑趣折簡邀我
同山行初度清溪發輕棹水碧沙明接磴道巉巖
巨室倚遙空落落長松閣斜照盤迴峻阪忽平岡
却倚孤亭破莽蒼菊欄黃花猶滿路楓林紅葉盡
含霜金刹岩堯開寶界玉虹天矯挂飛梁風吹鐘
磬傳空谷月映藤蘿到上方冥採古洞深無極寂
寂松關生暝色寒泉玉乳滴空巖祇樹珊瑚垂繡
壁乘風直上最高峯蒼茫翠海波濤微隔水青烟
起萬家連天紫邏高千尺山鬼奇形詭怪松葛仙
逸翰留遺蹟使君瀟灑復清真五馬專城印綬新
才高揮霍心常暇地僻蕭疎俗更淳日從山水消
公事合與烟霞作主人好借南明一片石同垂名
字照千春伊湯安詩競說南明景公餘結伴游
荷香僧院靜泉響石梁幽古洞誇仙蹟虛亭豁遠
眸高情慚白傅勝地幾勾留徐望璋詩巖隈寒
溜瀉濺濺真覺清音勝管絃亭外濕烟含雨重潭
邊空翠上衣鮮題名况有楊南仲覓句須推李謫
仙便擬臨流拚一醉
開樽正得酒如泉

麗水縣志

卷之三

山水

九

巾子山 在南明山東南以其形名之頂有浮圖相

輪已失始建之年無考道光二十五年知縣張銑

倡紳士重修匝月而合尖焉案明張懋丞元妙觀

子山山有塔據壬丙道士葉素軒有異術欲正之
為子午一夕雷雨暴作旦視之塔遷矣傳為奇事
云云蓋當時移殿就塔
特為謬語以駭聽聞耳

天井山 在南明山西峭壁巖巖懸瀑下注承溜處

形圓如井乘厓俯瞰悚惕欲墮名天井嶺厓下瀑

泉所瀦曰龍井天將雨井則興雲焉高似孫詩急

開晴雪拋空灑灑來上穴直疑通雁蕩橫流或恐
接天台松含元氣多生珀石錯蒼紋半蝕苔莫怪
到來添健逸三
生不枉住蓬萊

天馬山 在縣南五里又名幞頭山四面壁立若無
蹊徑上則逶迤平坦草樹豐蔚昔人磊石避兵故
又名南寨

桐嶺 在縣南三里嶺之南爲天師巖峭壁數十丈
猿攀可上其巔有天師廟廟前古木叢篁蒼翠欲
滴大梁溪水經其下夾以獅象二山古所云青厓
點黛素湍委練者矣

峽嶺 在縣南十里叢山迫輳中取微徑而上險仄
紆回行者擬諸蜀道

大白巖 在縣南十里勢不甚高峻而刻露巉巖別
標勝概大溪經其下湍急濤崩兀若砥柱上刻白
巖飛雨四字其東三里有巖差小亦兀峙中流人
呼小白巖焉

大梁山 在縣南二十里又名南屏山其南爲青田
界大梁之水出焉山徑屈曲逶迤幽勝相引山半
有亭下臨清泉上蔭秀木行李所經徘徊忘返左
右五峯交峙迢遞相望中峯有南北二龍洞北洞
有龍井淵素澄渟禱雨輒應其旁巖壁陡立如削
頂銜五色石望之斑斕眩目

望軍山 在縣南十五里山巔石壁正方如屏亦名

屏風山

國初方國安潰兵擾枯謝俊升妻趙氏投山崖死山下有虎阱舊蹟深十餘丈山南列岫連峯雲輪波委土人呼為十八凸

石乳洞 在縣南十二里一名後洞巉石嵌空清泉滴乳因有斯名

石羊山 在縣南十五里有蘭若溪溪有一穴深數丈穴口有大樹仰視杳然博物志云千載木也

太平寰宇記之文括蒼彙紀引之又繫以王安石詩溪水清漣樹老蒼云云考臨川踪蹟未嘗至括本集題為鄞縣天童溪上作非石羊山也

麗水縣志

卷之三

山水

三

大連雲山 在縣南四十里沙溪之水出焉故又名

沙溪尖孤標秀出霞合烟開四岡五阜環絡周帶

山腰灌木壽藤叢生交合二石嶙峋筍峙如迓游

踪西南為綠巖洞懸流削壁飛練飄珠凡數十丈

曰陳際禱雨輒應

柳資空中禪師塔銘聞高峯道行峻絕徑往參禮久之辭歸連

雲毒種曇公知師倦游作蓮花庵寺右延師居之

縣頭山 在縣南三十五里以古縣治在資福山蔽

其前故名上多修竹曰修竹嶺俗呼竹山凸大溪

環其下因名竹山潭

大杉源山 在縣南七十里山西為雲和東為麗水

峯連岫接翼障西南其左崿路入雲名半天峯其
右如旌展蓋張名旗繖山下有大杉狐梯二潭箬
溪之水出焉宋縣令劉愷之禱雨於此有赤蛇自
潭出雨遂沾足山上平廣數畝踐之傾側欲陷牧
人相戒遠其牲畜俗呼大杉葑意故爲潭而填淤
者也

木寮山 在縣南九十里與景甯接壤

金剛山 在縣南五十里蔡村螺旋而上磊石爲寨
中有五穆廟鄉人禱雨於此

虎頭巖 在縣南五十里箬溪嵌空玲瓏風從中出
聲若虎嘯

麗水縣志

卷之三 山水

三

火燄山 在縣南六十里有虎蜂礮險峻不得上又
縣南十里亦有火焰山衆峯攢簇如火燄旁有巨
石類獼猴作引首顧眄狀

騎馬岡 在縣南六十里其上巒峯巒岬狀若蓮花
以峻極罕有至者

鐵寨山 在縣南六十里山皆積石黝黑如鐵類新
安之石墨山矣

硯石山 在縣南六十里山石深紫性滑膩可充碑
材斲爲硯堅潤少亞端溪焉

西畚山 畚音奢俗作畚後倣此

在縣南六十里三峯參立形

如筆架

鷹鳥山 在縣南五十里鄉時通濟堰每年興築伐

蓀於山又名堰山宋龍泉何澹葬其父於山而固

堰以石蓀廢不用山遂屬何氏其下名平地明景

泰間都御史張楷搜山殺賊於此有宋給事王信

墓

以上南鄉諸山

高岡寨 在縣西五十里重巖疊巘山頂磊石回環

康熙初閩變鄉民避亂於此其右巉巖雄峻為獅

麗水縣志

卷之三

山水

三

子山洪塘之水出焉西為後窰山有古三十六窰

遺址山半有洞深十餘丈上為白鶴廟下為悟空

寺又西為白殿山又西為鳳凰山為小鳳凰山又

西為鐵壁寨單秀孤峙時有殘戈斷鏃出於土礫

殆昔時避寇之所矣

大鳴山 在縣西五十里山半有石泉清冷徹骨行

人多就飲之魏村節婦齊氏建駐飲亭於其旁

橫嵐山 在縣西六十里高徹雲霄時有輕烟如帶

橫亘山腰前為風穴炎暑可襲裘坐旁孤峯挺峙

曰石筍峯別一巖石翹立作婦人抱子形名玉女

護嬰巖

土人呼礮頭親娘每歲終抱小兒往拜謂之識認親娘

其東十里為

聖山谷呼龍潭背即唐葉法善檄龍行雨處下有

黃礮廟又東為白巖巖僻峻巘四面陡削元葉現

妻王氏潘雍妻葉氏避兵殉節於此舊有祠今廢

又東為麒麟山其下澗水縈洄素湍碧樹交映生

姿

大竹山 在縣西四十里高溪源明王朝聖妻楊氏

為兵所掠投崖而死

高畚山 在縣西五十里北控宣平西接松陽峯巒

攢聳草樹蒼蔚俯視諸山如在几席西山之最高

麗水縣志

卷之三

山水

三

者白溪之水出焉

三峯山 在高畚之南下曰靈峯中曰翠峯上曰岑

峯俱有僧舍林巒秀麗為諸山冠岑峯尤迢遞層

峻徑繚而曲名十八盤峯麓平曠厥土宜藍

稱贊空中

禪師塔銘年十七去其家入岑峯禪智寺為童子

蝙蝠洞 在岑峯之南巖壁有洞深丈餘多蝙蝠其

上為吳均嶺

風山 在縣西四十里山巔危石對峙如門天風颯

戾清人毛骨俗謂之小石門元末陳程妻葉氏

國初陳昌蔭妻奚氏陳所學妻吳氏皆避兵殉節於此

其南爲姥嶺雙峯削劣峻陁屣屣穿峽而過可達
宣平

半天尖 在姥嶺之南孤巘超雲視衆山如蟻蛭其
右峯曰匙尖徑路褊迫劣能容步有廟示童真相
老桂一本蔭可計畝云昔有牧子經此乘雲上升
因肖像立廟禱雨輒應呼曰馭牛匙匙者鄉人呼
小兒也遂移以名山矣其左爲吳山山半爲惠明
寺廢址

蓮花山 在風山之東山石堅緻咸采鑿以資階城
山魍洞 在縣西五十里高溪村南高廣丈餘昔爲

麗水縣志

卷之三

山水

三

山魍所棲以石叩之聲轟如鼓又名石鼓洞

椒山 在縣西三十里明葉燧築別業於此隨地爲

景故有椒園之目葉詩所云壁削斷厓開勝地路

隨流水入深山者也

皇甫汈詩羨君辭邑賦歸田大有園林亞輞川松下分糧

調瘦鶴花間洗藥候鳴泉支離自愧猶耽祿邂逅何期得問元更道聖朝容傲吏賜骸聊復樂餘年

風門山 在縣西三十里上有二穴風自中出夜靜

月明白氣上徹霄漢有廟名協應宋代所建鄉人

水旱輒禱之

梁載詩巖巖絕頂通天關上有神宮鎮鬼寰路似杜陵行蜀道人如韓子

謁衡山風生怪穴虛無裏樹拂重雲縹緲間下望平田三百頃一衣帶水自回環

琴山 在縣西二十里石牛村明金文詩所云隔岸

琴山雨更妍者也

以上西鄉諸山

城中水 宋慶元三年州守趙善堅於城西北導麗

陽後溪水

有牖設牖夫二名以時啟閉兼防盜洩以資水確

透迤至通惠

門瀦為蓮渠南流入城經清香橋瀦為淨池

宋紹興十

五年郡守徐度建放生亭於其上故又名放生池明嘉靖二十四年知府李冕濬之今名理中塘

析而為二一西南流經張公橋又南經濠頭街又

東南經梨園市又經廣運橋至應星橋

舊有應星橋視旱澇

為蓄洩後壞萬曆三十年知府許國忠重修旋廢天啟中同知馬承緒修之 國朝知府周茂源

劉廷璣梁徽涂以輒李蔭圻並有修濬功 出城入大溪一東流過通惠

麗水縣志

卷之三

山水

美

橋經總兵署前又東瀦為葉塘又東經黃靈橋又

東經明秀橋

今名耐心橋

至鎮東樓出城

有清風牖設牖夫二名

東南流經梅墩合好溪渠水東經九龍亭東流入

大溪

黃縮記宋慶元中郡守趙善堅嘗開二渠分麗陽溪水隨勢導之入城民甚便之歲久湮

闕迄今數百年無復者嘉靖乙巳夏五月兵備副使夏公浚檄修之首鑿通惠門淨池以濬其源次

疏二渠以導其流皆為牖以時蓄洩向之侵築者公令自首釋其罪與之更始疏鑿之工沿渠之民

各事之無居民則官事之僅三越月而厥功告成官不知費民不知擾咸曰休哉

大溪 源出慶元縣經龍泉雲和二縣凡四百里至

麗水界東流為均溪

溪有伏石如象者三每壞舟楫嘉慶十五年碧湖葉雲鵬

捐金 黃田之水出焉

黃田水源出縣西南七十里大杉源山北流入大溪又

東十里爲玉溪又東五里蓮河之水入焉蓮河水源出縣

西南六十經平地會松陽水爲大港頭又東經石

五里上莊侯爲新溪石侯水源出縣南六十五里管頭東北流入大溪又東五里爲

碧湖張吉安詩風景碧湖好我來剛夕陽亂山橫紫翠老樹半丹黃上市魚蝦賤堆盤橘柚香

僧房留一榻清夢共支郎瑞木國瑚碧湖懷舊詩帆與鳥爭宿川長雲樹昏人烟青古社山雨白

遙村晚飯銅盤冷春燈瓦鼓喧相思渺不見回憶

舊芳樽澄天明夕霽沙路白紛紛亂碓春灘月高

帆拂野雲人傳上已日溪浣碧爲礮步又東五里

松阮之水入焉松阮水源出縣西南六十里大連雲山後明景泰元年都督陶瑾敗

賊於松阮又東七里爲郭溪又名上郭旁多種柳以捍水日柳陰隄

舟柳陰隄聞歌詩柳陰隄畔柳如絲記得桓公手種時樂府宜歌發白馬新詞誰唱比紅兒鱗鱗細

麗水縣志

卷之三 山水

七

浪金沙活葉葉輕帆桂棹移添築小紅亭子好千秋秦七有相知自注云少游詞有柳邊沙外之句

後人因建柳邊亭又東三里經資福爲資溪爲竹山潭又

東經九龍陳子龍詩人烟迴樹杪村路帶江流數畝樟杉蔭千家麻麥秋火耕開瘠土水

碓繫虛舟疑有柴桑隱還同谷口游又東爲沙溪沙溪水源出大連雲山陳滌又

東十里經石牛爲鏡潭古有通濟橋別山莊忽十年歸來風景

只依然入簾鏡水晚逾碧隔岸琴山雨更妍詩卷娛情忙亦展酒杯留客醉猶傳兒童齊和昇平曲

老子婆婆欲放顛端木國瑚詩落日在灘舟清灘碧玉流映山看白鳥歸渡喚黃牛客到花先著

春深竹亂抽宿闌村通濟渠水出焉通濟渠水其源有三一在

酒好取醉及沙頭通濟渠水出焉源有三一在縣西五十里自十七都寶定莊引松陽大溪水入

渠歷十二十五十一九五凡七都是爲大渠一在縣西四十里源出白溪歷十三十二九五凡四都至白口合大渠水是爲白溪渠一在縣西四十

里源出岑溪自十四都歷九都合白溪水又東經是為金溝渠三渠合流至石牛入大溪

白巖為三港口畎溪之水入焉畎溪水源出縣西北六十里宣平縣

中有澹灘明都指揮沈麟禦賊戰死處又有嶼嵒山臨水蜿蜒數里至此作仰勢若蛇之昂首其南

有盤石如龜伏於水中又東五里為茗河稽勾諸又西流經蘇步入大溪

水入焉稽勾水源出縣北一百里稽勾山東南流合雪峯水為庫川西合西溪水為洪渡又

西合蓮房水東合葛渡水為桑溪東合梅田水西合潘村水為安溪又東合霧後水至太平渡為浯

溪又東南流為義溪明張學甲死難處南過官橋至茗河而入大溪又東五里為蘆

灣又東五里為桃山潭又東五里經溪口麗陽諸

水入焉麗陽水源出縣北十里壽元山西南流為龍潭過麗陽山經城北為後溪明葉鉅拒

賊於此又西南流又東為琵琶洲陸游南園詩所謂亭邊綠浸琵琶

麗水縣志 卷之三 山水 三

琵琶洲即此也金文詩中流有隙地宛爾琵琶形清籟自鳴咽不是潯陽聲經濟川橋

舊名廣濟橋陳子龍出枯蒼門渡江詩旅行無

停期利涉有恒度日照陰巖幽雲開蒼江曙擊擢

此夷猶停車屢回顧修堞冠危巒飛甍出芳樹岸

草覆丹霞渚花銜翠羽西邁雙輪遙東流千溪鶩

悠悠寡遺蹟靡靡達長路奉義營馳驅繞城南為

徒懷稅鞍處匪畏渴與飢引領故鄉暮

洞溪湯顯祖麗水風雨下船棘口有懷詩石城雙水門落日遠江介春潮風雨飛莫寒洲渚帶

流雲蒼翠裏緒風簫鼓外分披悟會裂合沓迷新

屈宿霧緬餘叩生洲隱遙派地脈有虧成物色故

明昧曲折神易傷幽情境難會江花莞流又東為放岸草悽行邁不見林中人自撫孤琴對

下里灘大梁之水入焉大梁水源出縣南二十里大梁山經桐嶺東流為魚

渠渠旁巖穴虛敞嘉慶五年洪水有大士像又東

漂入洞中遂名觀音巖經下里橋而入大溪又東

五里為貓兒潭枯蒼彙紀吳赤烏間有術士檄龍於百丈潭龍奔化為貓入於此潭

為下河又東好溪之水入焉

好溪源出縉雲縣大盆山西流入麗水鄉

因水怪名惡溪唐段成式為刺史水怪潛去改名

好溪西流為箭溪舊有晉王羲之尖星瀨二字摩

厓今失又西合金鳥水為澎頭又西合項渡水為

湫塘又西合俞嶺水為院口又西合梅溪水為水

東為洞溪以入於大溪洞溪為唐刺史李敬仲別

業舊傳敬仲十詠曰翠潭曰青室曰桃源曰竹嶼

曰琴石曰釣磯曰虛廊曰響瀨曰峭壁曰碕巖

采彝尊麗水舟中詩曉發丹楓驛微茫出遠郊月

斜吹積雪風急燒黃茅斷嶺羊腸折寒沙虎蹟交

軍塵猶未靖何處得安巢隘口屯師日功臣汗馬

勞空山無赤幟廢壘但黃蒿亂插繁花盛干盤細

路高由來設險地未必盡神舉峻嶺行還出愁人

迹轉孤飢寒催暮日風雪逼窮途土銼須同

燒金刀可剩沽莫辭舟楫小今夜宿江湖

又東

經佛頭巖為楊柳灣

趙汝迕詩古樹半成槎溪邊

多家去客背流葉停舟見暮

鴨朝朝省秋水頻減一痕沙

又東五里為龕潭又

麗水縣志

卷之三

山水 水利

五

東十里為古竹入青田至溫州入海

水利

邑山峻水悍甚雨則潰溢橫出而旱乾復無以資

灌溉故農田之豐歉視瀦蓄之盈涸焉通濟渠所

關尤鉅其詳已具於堰志茲特舉大凡用彰成美

其他橋渡以資利涉水障鐵壩以衛城居並以類

及之云

麗陽渠 在縣北十二里源出壽元山逶迤而南灌

田百餘頃又西南流至溪口入大溪

案舊稱麗陽堰今考堰障

水入渠渠堰相資為用而浸灌之利在渠不在堰

方言呼堰為壩殊名同實而呼渠以堰則名實違

反矣坐是記載語言多有不順今普為釐正

妃溪渠 在縣北十二里於麗陽廟前分麗陽渠水灌田百餘畝西南流合練溪水入大溪

黃山渠 在縣北二十里源出稽勾諸山南流至義

潭壘石為堰引水入渠自黃山莊歷下坎官橋等

處約五里許條分枝析灌田六頃餘府志誤作四畝

泗洲渠 在縣西北十五里亦名屢豐堰

國朝順治間邑人武之周所鑿上引義溪水自常宅歷

白善武村茗河諸莊凡七里灌田一十八頃

畎溪渠 在縣西北五十五里畎岸莊源出宣平至

麗水縣志

卷之三 水利

三

畎溪引水入渠灌田三頃

均堰 在縣北四十五里府志堰志皆有此文今不知所在

通濟渠 於縣西五十五里松陽界內築巨堰障其

水為渠案遂昌水入松陽合為一溪則此所障者松陽溪耳舊碑云障松遂二溪之水似別

有遂昌一溪矣後志自保定東抵白橋入大溪紆

並沿其誤今改正 回五十餘里其中分為三原疏為四十八派均以

七十二槩隨地瀦之以為湖有白湖赤湖何湖李湖吳湖鄭湖湯湖等

目道光四年知府雷學海詳冊查三原隄工通計五十餘里有石壩有斗門有石函有葉穴石壩

截水入口斗門引水歸渠俱在鞏固橋以上石函在鞏固橋以下仰受山水沙石使所引上流之水由地溝入渠石函之下為葉穴與大溪相通制用石插木板以時啟閉葉穴之下有六槩由石函至

葉穴凡一里由葉穴至開拓槩凡三里由開拓槩至鳳臺槩四里次至陳章槩五里由陳章槩至石刺槩三里石刺槩之下五里至陳塘槩又下為九思槩所謂槩者節制三原之水輪流蓄放以均其灌溉之大牖也外有小槩七十二處承接大牖之水分流布潤知縣范仲趙詳冊奉飭之處逐一確查西堰誌載六大槩現在仍舊設置其七十二小槩誌載其數並無其名此次六大槩一循舊制修整其餘小槩均坐旁支分莊修理並無七十有二之多亦無一定槩名礙難聲注不敢妄有附會溉田二十萬畝相傳梁天監中詹南二司馬實創為之案二司馬梁書不載名佚厥後興廢無復可考宋元祐七年州守關景暉患渠水勢盛或潰岸命尉姚希築葉穴旁洩之穴在葉姓地故名政和初縣令王禔患山水挾沙石壅渠口致溪水不復入邑人助教葉秉心

麗水縣志

卷之三

水利

三

議醵大石為函橫壓渠面引山水從函中過既成歲省濬工無算進士劉嘉復鎔鐵鋼石鑄函固而渠大通乾道四年州守范成大與軍事判官張澈大施濬築刻規於石意美法良世為成式案舊規二十條

刻石已漫漶僅見於堰志古今語異間有不能強通者今揭其大旨以備覽云曰堰首者聽田戶保充免其他役二年而代巡察隄堰諸所以時葺治也曰田戶者於上田戶中選充名監當佐堰首掌其財物功過與同也曰甲頭者以田戶秧把多寡次第配差兼稽察堰首公私也曰堰匠者定差看守以時報堰首繕完也曰堰工者計秧把賦錢給工終歲而會其羨餘也曰船缺者令堰匠守缺遇行舟重滯者令卸其物以輕裝過不使損及堰隄也曰堰槩者設槩於牖揭之則水順下閉之則左右分注以灌田揭閉皆定以期日毋得越次紊爭也曰堰夫者夫役以卯集酉散日再巡數之也曰

堰渠者以時濬渠並禁栽竹木於渠岸也曰請官者遇大工役許田戶陳請令長委官督率也曰石函斗門者差堰匠淘石函淤塞祭水勢衰旺啟閉斗門也曰湖塘堰者堰湖塘以瀦水禁估爲私田以妨利也曰堰廟者仰堰首謹司龍王龍女二廟灑掃享祀守護碑刻也曰水淫者惟設於障水入口之處不得更有私創也淫之爲義方言以鑿地道通水爲淫非考工水淫義也曰逆掃者禁於所坐水利之外掃水歸田及用木障水以妨下原也曰開淘者堰首年滿令上田戶併力開淘淤塞務取深廣以爲交替也曰葉穴頭者立穴頭司牖甚雨則取其板洩之不使汎溢入田也曰堰司者於甲頭中選能書者一人司載筆之役也曰堰簿者以上田戶一人簿計田秧等第歲終具過割姓名數目授諸堰首也曰堰山者堰志有其目而沒其文但云舊堰每春以木蓀修之伐材於山自何澹改爲石隄關於有司請給此山山遂爲何氏物云開禧間郡人樞密何澹以堰善崩取崖石鍵之歲修以省元至順二年部

麗水縣志

卷之三

水利

三

使者幹羅思命邑令卞瑄修之邑人葉現記所云斬穢除隘樹堅塞完者也至元六年大水堰圯渠且涸縣令梁順計畝率錢數丁任力躬程督之民憚役而囂順不爲動卒以有成厥後州守韓裴復加繕葺明嘉靖十一年大水堰壞知府吳仲令知縣林性之主簿王倫築之兩月而成案李寅記曰桑君三四閏歲而後集今未得其詳萬歷四年知府熊子臣請發帑緡督主簿方燧培堰濬渠甚有績案何鏗記云隆慶中潯陽勞公堪監守吾郡檄孫令煊修治是堰民利賴者若干歲今亦不得其詳十二年知縣吳思學出官帑令其簿丁應辰劬堰門以時啟閉疏

支水之淤者三十六所二十六年知縣鍾武瑞以
廢寺租銀修之三十六年知縣樊良樞申道府動
支寺租官銀并聽民計畝率錢興復水利道府允
其請各以庫貯贓罰銀佐之事成遂昌令湯顯祖
紀其功甚偉樊良樞議興復水利文牒障大溪而
橫截者石堤也初引水而入渠者斗
門也入渠五里始分三支中支最大為上原中原
十五都十附都十正都十一都十二都之水利坐
焉又接為下原五都六都七都九都之水利坐焉
南北二支稍狹皆為上原十四都十五都十七都
之水利坐焉其造槩也有廣狹高下木石啟閉之
各殊其用其分槩也有平木架木或揭或不揭之
各得其宜其放水也有中支三晝夜南北支亦三
晝夜之限三原各享其利而不爭三時各安其業
而不亂此法之最良備載堰規者也惟修葺不時
古制遂湮紛爭競起或牯夫私通商船而洩水於

麗水縣志

卷之三

水利

三

上流或堰長各自為謀而不公於放注或槩首通
同賄賂而自私於啟閉三原原有成規也而上中
原支分各異或有不均之歎矣上中原猶先受澆
也而下原處其末流則有立涸之嗟矣遂令同鄉
共井歲為胡越國賦民財兩受其敝皆由古制不
修也又新規八則小引從古之法下原苦不得
水故早是用課良樞有憂之獨予下原先灌四日
行之未幾上原告病卒不得其權變之術乃循序
放行示以大信如其旱也聽命於天後之君四十
子倘有神化通久之術補其不逮固所願也

七年知府陳見龍

國朝順治六年知縣方亨咸康熙十九年知縣王秉義

咸有事焉二十五年大水堰壞其半鄉民積困三

十二年知府劉廷璣捐金倡修委經歷趙鏗督役

民亦按畝樂輸時大其功五十三年洪水壞葉穴

越五年鄉民醵金改建之雍正七年知縣王鈞請帑金與修總督李衛委需次官二人督役乾隆十三年知縣冷模核諸廢寺田變價千金爲資以修十六年知縣梁卿材撥普信壽仁二寺田委典史計其租入解貯府庫以備歲修尋改令經歷掌之三十七年知縣胡嘉栗令民按畝輸錢益以庫貯餘銀興工大修嗣是四十餘年廢不治旱歲輒告病而程工旣大又歲連歉資不集嘉慶十八年知府涂以輶按籍發庫貯銀復捐俸籌款以益之民踴躍趨工會歲旱闔郡告病邑以無虞論者等其

麗水縣志

卷之三 水利

三

功於二司馬

韓克均重修通濟堰記處於浙爲郡最瘠治駐麗水在萬山中可耕之田

不足當浙西望縣之十一惟西鄉有田二千頃稱沃壤則堰水爲之溉也堰名通濟建自南梁詹南兩司馬其勒石以誌則自宋石湖范公始明世屢有修造國初王劉二君復修之嘉慶庚申枯大水決隄防堰以崩壞距今十三年矣守斯土者屢欲修復輒逡巡中止蓋郡雖瘠所轄獨十邑山民獷悍好鬪狼案牘之煩乃甲於諸郡弱者視簿書如束筍口不暇給健者又以治獄名過移劇郡且程功甚鉅非信而後勞積月累歲難以觀厥成也郡伯新城涂君以部郎來守斯土下車之始適遭偏災君備舉荒政周卹撫字之老弱無轉徙民飶其德守郡三年百廢具舉堰之修也去秋實倡其議與邑令及紳民往復籌度請於大府自冬徂春鳩工庀材爰集厥事以余曾與末議問序於余夫捐賑之惠在一時坊庸之澤及累世得其災而卹之何如迨其未災而預籌之也今年夏雨澤稍愆郡頗歉而麗獨得水利收且豐茲堰之功不亦溥哉近大吏嘉君之治行行且移權首郡更聞有疏

澹兩湖之議君以治處者治杭鄴侯香山東坡諸賢去人良不遠耳余蒙天子恩游乘滇臬將別君以去共事之雅尤不敢忘因不揣庸鄙而爲之記
道光四年知府雷學

海修澹訖立新規八條雷學海續增規條一被水

放水起凡七晝夜注足三原第八日開車三原各閉槩枋連車三日第十一日以後倣照舉行惟開拓槩不閉游枋俾堰水得源源而來但放水七日期內有盜水之弊開車日上中二原有盜車入就近湖塘者俱宜一律嚴禁一龍神及詹南二司馬廟每年六月朔知府及水利同知率堰長公正人等敬以猪羊告祭分昨飲福即日查看水利申明禁約商辦一切事宜至十一月知府再詣致祭以報歲功並豫籌來年事宜如執事人等有宜加甄別者據實查明以資核辦一分管挑疏啟閉者有牘夫有槩首有鄉夫斗門堰口一帶牘夫掌之堰口以下分設六槩槩首掌之其旁支分流各村者鄉夫掌之皆令堰長公正就近稽查各槩首責令依期揭甲如法放水倘有豪強擅行啟閉及

麗水縣志

卷之三 水利

三

槩首串匪賣法均許稟官究治牘夫鄉夫之設立法與槩首同惟查舊志牘夫四名以坐落松陽縣田六畝給伊耕種每年仍發役食銀一十四兩四錢又添給工費銀十兩以備添雇壯夫而槩首不給工食殊無以昭畫一現除旁支小槩照舊設立鄉夫一名輪管免其夫役不給工食並鳳臺九思兩大槩不用游枋揭甲但平石分水毋庸專設槩頭外其開拓石刺城塘陳章四槩每槩設槩首二名每年每名酌給役食銀三兩六錢察有土地沙淤刻卽通知堰長公正隨時挑挖無庸另給工費所有牘夫槩首應行支給者照前銀數均於西堰租息項下按季支銷仍飭牘夫槩首按季出具挑挖深通並無淤積甘結稟報縣丞該丞於每年十一月加結報府聽候查驗一全渠工段綿長恐牘夫槩首勢難兼顧嗣後渠水旁支責令堰長公正督率田戶各於該村受水灌溉處所就近疏通無淤積及安確阻水切結同牘夫槩首各甘結由縣丞衙門加結報府聽候查驗一歲修之外遇有大工由縣丞查明應修工段稟請委員會勘估

工繪圖具報限一月內竣工所用鄉夫即照歲修
自帶鋤鋤筐挑等件辰到酉歇每名每日給發飯
食錢卅文至上原斗門一帶易致淤塞尤宜隨時
挑濬而中下兩原相距較遠策應為難嗣後尋常
挑濬仍責成牘夫外如遇大工就上原隣近添雇
民夫其三原出力助工者照常給發飯食錢以示
體卹 一渠岸為挑濬時堆積淤沙之所不准開
墾種植近因渠身久未淘挖居民日漸墾種及佔
蓋寮房現經查出有礙水利者押令退折外其尚
可通融者現經委員查丈侵佔畝分另冊注明每
畝照上則田完租二官石委縣丞就近征收照市
變價解府抵補槩首役食餘歸西堰租息項內解
貯府庫以備工需所有向給鄉夫挑濬十千零五
百文人多費少有名無實今既責成槩首八名牘
夫四名分段挑濬酌給銀兩鄉夫毋庸再給所有
前項十千零五百文一并歸入租息解府備工以
省糜費 一廟祝歲收租穀十五石俟奉香燈灑
掃殿宇准用雇工一名不准濫收門徒及婦女入
廟燒香其後殿廂房如有投徒者准其報明設館
不准索取館租倘廟祝不守清規查逐更換案以

麗水縣志

卷之三

水利

三

上新規八條竝未勒石亦未載入堰志其第二條
係田畝租穀數目具見後文茲不贅錄至所云查
丈估租地畝照上則田完租云云各佃未經具結
租尚無着故抵給槩首役食及添設槩首八名酌
給銀兩之處 八年知縣黎應南修渠岸一百六十
均未舉行

餘丈自為記勒石此後遞年未修渠仍淤同治二
年縣丞汪長庚稟請疏濬旋以憂去四年知縣陶
鴻勳往視歸以狀白府知府清安復往視集紳民
議興修咸有難色公曰民可與樂成難與慮始禮
義不愆何恤於人言遂捐廉百金為倡飭縣丞金
振聲生員葉文潮等計畝率錢尅日興工始於斗
門以次及焉斗門故有橋為山水入溪處舊所鎔

鐵日久剝落公命匠於石之合縫處俯仰相箝以彌其隙功尤勝前嘗一日大雪單騎詣碧湖民駭懼濬益力淺者深之塞者濶之渠旁侵占地咸爲清釐閩三年工竣渠水可通舟佃者以代負戴及公以憂去論者欲祀於二司馬廟以報德云

歲修通濟渠田畝租數 原撥普信壽仁二寺田地塘一頃四十一畝三分五釐五毫除被水冲坍外現存一頃三十七畝八分七釐九毫每歲收官斛租穀一百五十九石三斗一升地租實紋銀七兩二錢三分一釐二毫除完正耗錢糧銀十三兩三錢五分四釐南米一石八斗八升三合並給牘夫工食銀十四兩四錢及運脚等費並前知府涂以軒議定每年添給牘夫挑撥沙石銀十兩外餘銀解貯府庫以備歲修 舊捐松陽縣田六畝每歲收官斛租穀一十二石董事魏有琦續捐田六

麗水縣志

卷之三

水利

三

畝每歲收官斛租穀一十二石並給看廟人耕種爲灑掃香燈之用所有錢糧秋米卽由看廟人完納 貢生吳鈞續捐田塘三畝七分七釐七毫二忽每歲收官斛租穀五石五斗貢生葉維喬續捐田四畝三釐七毫七絲五忽每歲收官斛租穀六石五斗共田七畝八分一釐四毫七絲七忽每歲收租穀十二石變價十二千文除完地價錢一千五百文外餘錢十千五百文由麗水縣丞按年解貯府庫遇修濬時動支此項收入通濟堰費戶完糧未經通詳

金溝渠

在縣西四十里通濟渠旣納松陽溪水別

有山水自十八盤達岑溪因於通濟之北築堰醜渠亦始於詹南二司馬卽彙紀所謂觀阮堰也明萬曆中渠噎不通水泛溢壞上中二原田知縣樊良樞修之委其簿葉鳴岐督役鄉人湯鳳葉元訓

嫠婦齊氏各輸金仗助水得就道二原始作又云
白溪渠 在縣西四十里源出高畚山至白河莊鑿
渠受之卽彙記所謂司馬堰也其下有沙堰朱堰
上陂黃陂張堰陳家堰諸目通濟渠東北諸田咸
資於此

陳婆渠 在縣西二十里俗呼下堰溉田五頃有奇
同治元年粵匪毀石壩渠涸二年知府吳澤率董
修濬並禁捕魚設磔勒石以懲後焉

南溪渠 在縣西四十五里源出岑峯大隴二山歷
南溪蒼阮派岑口蘭山沙岸諸處

麗水縣志

卷之三

水利

三

葑源渠 在縣南五十五里源出大杉源山西流二
十里入渠一名上阮灌田百頃

下園渠 在縣南五十五里

法喜寺後渠

在縣南四十五里

府志作十
七里誤

源出十

八都石鋪尖西北流三十里而入渠灌田六頃餘

沙溪渠 在縣南三十里源出大連雲山析爲二支
一自季坪張阮歷霧嶺壽山堂一由陳滌至下張
大源潘田二水合於沙溪大壩

大梁渠 在縣南二十里二三都之水皆源於大梁
山而支分爲二一西北流至三都俞村一北流至

二都周前村與三都水合而入渠資灌溉者凡十八村

綠苗渠 在縣東十五里源出天堂至水東壅以入渠渠又分上下上渠自水東歷後村盧步前山等處入好溪溉田二頃下渠自水東經盧步山後入大溪溉田二頃餘

好溪渠 在縣東二十里靈鷲山下壘石為堰障緝雲溪水入渠西流至浪蕩口分水壩析為東北二渠北渠別納山水三條一自鞏固橋入一自八宿橋入一自沙坎頭入皆挾沙善壅不時濬之則溪水灌田六十餘頃堰闊六丈長九十丈中高一丈二尺兩端以次殺高六尺不入

麗水縣志

卷之三

水利

五

自堰至分水壩一百八十二丈自分水壩至東渠蜈蚣壩一百二十丈自分水壩北至渠鞏固橋二百九十九丈東渠灌田四十五頃三十九畝有奇北渠灌田一十八頃五十六畝有奇 刺史段成式後莫考其興廢明嘉靖元年山水壞堰渠噎十五年知縣孫存令民按畝輸緡築堰十有六丈濬渠十有三里鑿為新渠者七十有三丈 觀察使高汝行為文紀其績

國朝順治四年知縣方亨咸捐金修堰民歌其功更堰稱曰子來隄康熙二十五年大水堰圯同知崔鳴鶩修復之乾隆二十一年知縣陳誼撥寶勝寺田

地 田一百二十八畝八分八釐二毫歲收官斛租穀一百七石三斗八升又地租銀九兩四錢八

分一 委其丞計歲入解府庫爲歲修費嘉慶五年

大水堰復圯十六年知府涂以輶大修之核庫貯

銀僅給工之半復捐金爲倡資用贍集次年訖工

二十五年知府吳光悅以前此北堰未施工集資

修之吳光悅重修好溪北堰記處州府城東北有好溪堰橫截縉雲之水入渠派分東北二堰

東堰之水自青林關下奚渡出大溪北堰之水自涼棚峽上河壩九里坂上下堰古黑橋河出大溪

計東堰所溉田不及北堰十之一二志稱好溪堰溉田數百餘頃者蓋兼東北二堰言之也嘉慶十

六年前守涂公以輶興修惟北堰猶未施工二十一年余守茲土值歲大旱田禾皆槁城闔以北爲

尤甚以北堰未復而東堰所注者不能逮也余周行審視謂宜及時修舉適董事張麟王正燦等以

有田受溉之家踴躍捐輸告爰於十一月肇工至次年三月工竣計費緡錢九百餘而北堰遂以就

麗水縣志

卷之三

水利

旱

治夫渠堰之成爲利大矣顧往往以爭水涉訟又瀕河者多據以爲磴專利自私不能無弊則有南陽均水刻石立約以及三輔檢校諸渠碾磴盡毀之古法在隨事治之可也 道光十五

年邑人譚鳳岐十七年署知府于尙齡竝隨宜修

濬二十二年大水渠堰竝壞次年十月温處道慶

廉檄麗水縣知縣侯圻修之閱六月告功咸豐三

年大水堰復壞渠亦漸淤耕者於下種後并力以

樹與石障水入渠隨障隨冲渠旁田幾成石同治

四年知府清安適濬通濟渠因委經歷鄭國士暨

邑人潘紹唐周樑冠等修東北二渠計畝輸錢壘

大石爲堰犍以竹木堰遂固渠之淤者以次疏之

灌田雖少於西而功實相埒

百畝塘 在縣北五里二十八都額八畝三分有奇

將塘 在縣北十里徐宅莊計額二十二畝四分一

毫三絲九忽

菱塘 在縣北二十七里

平陽岡塘

彙紀作平洋峯塘

在縣北二十里

洪塘 在縣西五十里寶定莊周九百八十二弓計

額三百三十四畝八分三釐四毫七絲二忽

案舊傳宋

開禧間郡人參政何澹奏調本州兵三千濬通濟渠竣命鑿此塘府志因之又傳澹調洪州兵所鑿浙江通志因之論者頗以調兵為疑今考宋制大興作故得調發如丁寶臣杭州石隄記稱知府楊

麗水縣志

卷之三

水利

壘

借條上方畧詔發江淮南二浙福建兵是也惟一以為本州一以為洪州靡所徵信故括蒼彙紀竝沒其文

山塘 在縣西五十五里悟空寺前歲久填淤黠者

墾佔為田道光二十五年知縣張銑親詣履勘丈

定二百弓額十三畝八分八釐八毫八絲九忽濬

之以復其舊焉

潘塘 在縣西五十里箬溪口大十二畝

馱塘 在縣西五十里箬溪口大十二畝

許堂塘 在縣西四十五里巖頭大十二畝

金川塘 在縣西五十里前窰大十二畝

五池塘 在縣西四十五里楊山口

思齊塘 在縣西四十五里楊山口

樟樹塘 在縣西四十五里楊店

車厚便民塘 在縣西四十里金村前

便民塘 在縣西四十五里新溪

案府志及屠本仁縣志稿有趙塘林前塘龍後塘章塘上原官塘岑塘等目考此皆瀦蓄通濟渠餘水之處今不別出

冷泉塘 在縣西四十里岑溪蘭山之間有清泉穴

出盛夏不竭可灌田數百畝

伯公塘 在縣西四十里岑溪伯公廟內與廟外一

麗水縣志

卷之三

水利

三

塘泉脈相通可灌田百餘畝

西湖塘 在縣西四十五里魏村莊廣十餘畝

葑塘 在縣南七十里賽院俗名葑洋河有泉自葑

田中出灌溉所及凡二十里

沙塘 在縣東五里上保莊額計十畝一分一釐三

毫三絲八忽

桑村塘 在縣東五里楓樹莊額計九畝九分一釐

四絲二忽

李浴塘 在縣東十里

附井 關公井

在通惠門內宋元祐中州守關景暉所鑿井泉甘冽號關公泉案舊云

在治南橫街考宋州治在小栝蒼山其南街即今通惠門街也門內有井三惟俗名棺材街者泉味尤勝或以關棺同音致誤耳

花樓井 在栝蒼門內 **柴樓井** 在柳邊亭 **杏花井** 在南明門內小

橫街 **桂花井** 在南明門內為城中井泉第一 **萬象井** 在萬象山泉白

如乳道光二十一年僧德鶴命工鑿深之得石髓泉不復白 **白塔井** 在白塔頭

市後井 在梨園 **聯桂井** 在聯桂坊前 **槐花井** 在七星廟

右 **樹德井** 在鎮東樓下 **鶴鳴井** 在太平坊深

甃石於底錮之以鐵明萬曆初居民被火瓦礫填委遂廢崇禎五年知府朱葵濟復之郡人王一中建神祠於旁 **高井** 在郡治北高井巷石欄刻明為記刻石 嘉靖某年重修道光五年圯

通惠井 在通惠門外丁字橋南 **甘泉井** 在縣北二十五里甘泉壩

麗水縣志

卷之三

水利

壙

葉宅井 在縣北二十五里張村街日午時有青苔上浮不可飲餘皆澄清 **仙井**

在縣北五十里普慈寺齋厨後寺以每歲二月十九為觀音會三村輪值值黃村則水濁不堪飲值金村則清淺不給值富村則澄泓衍溢累試不爽 **香井** 在縣北四十里梅田莊水微香

高樓井 在縣北六十里西溪莊 **龍眠井** 在縣西三十里

十里里河莊井旁溪而 **頭甲井** 在縣西四十里碧湖上堡莊

高巷井 在碧湖中堡宜 **竹嶺井** 在碧湖下堡

名祠 **道士井** 在縣南十五里四都每歲夏至後水漸盈白露後涸 **均溪**

井 在縣南六十里均溪村村 **瀝泉井** 在碧湖底舊有井三十六今存者四 湯街宜釀

清香橋 在通惠門內濠水從橋下入過橋為淨池

即古放生池宋紹興十五年郡守徐度植荷池中

因以得名

槐花橋 在小魯街東

聯桂橋 在縣學西

張公橋 在萬象山下名勝志云舊傳呂洞賓洗楮被於此故橋下水不臭穢

合掌橋 在張公橋南合十石以為橋故名

濠頭橋 在濠頭街

梨園橋 在梨園廟前

廣運橋 在倉前今名倉前橋

應星橋 在縣治東南一里以郡應處士星故名宋

麗水縣志

卷之三

水利

罟

嘉祐中州守崔愈於橋西作隄捍水就橋立屋開禧中州守王庭芝更為樓葉宗魯為作應星樓記

通惠橋 在通惠門內為大街第一橋

黃靈橋 在太平坊橋上舊有黃靈觀故名

明秀橋 在府前今名耐心橋 府志云在舊驛前誤

樹德橋 在鎮東樓下

濟川橋 舊在南明門外造舟為梁聯以鐵縵宋乾

道四年州守范成大新之名曰平政核廢寺田租

以資修治刻銘及橋規於石

范成大平政橋記 枯蒼帶郭浮橋歲久弗

葺民病涉乾道四年冬郡守范成大實始改作郡從事張徹惠民麗水縣留清卿調其工費以授

州民豪長者四人使董役吏無得有所與凡為船七十二聯續架梁為梁三十有六築亭溪南以莅之歲十一月橋成名之日平政亭成名之日知津又得廢浮圖之田五十畝於縉雲以其租屬亭歲時治橋俾弗壞明年正月前晦三日大合樂以落之衆請銘其事於石使後有考銘曰孰梁斯兮踏淵若衢我維新之櫛櫛其轡工休於後田沒於官亭有粟在耨豈惟新之永以不朽

橋遂廢明祖稱吳國公時遣參軍胡深鎮楮改建於上流桃溪下旋以水勢漂疾徙楮蒼門外洪武

中知府袁敬修之永樂八年汨於洪水景泰間知

府張祐請於大吏以各縣田額科取修葺設役守

之橋兵三十名隆慶五年知府江應昂撥南明寺

田二十元妙觀地二十徵其租為修造費萬歷五

麗水縣志

卷之三

水利

聖

年知府熊子臣重造之遇驟漲則解散比船別以

二船更渡二十二年知府任可容以橋廢增置渡

船二十八年知府李涪因民請改建於南明門外

故址明續府志造橋舊規每橋一扇僉橋戶一名

封當堂給散立限造完並無催督之擾是以賠費

不多樂於趨事而橋亦堅久近報僉委之佐領適

遂漁利之謀各富戶所領官價常去十之四五餘

悉賠以已資是以板薄釘稀苟且完事修期未及

而朽壞不堪夫昔之用法者如此今之用法者如彼當事君子慎勿以利民者病民也

五年知府陳見龍復建於楮蒼門外歲久復廢租又入官無船以渡民苦之崇禎元年守道張福臻命同知馬承緒造渡船給以租未一載租又入官

船廢知府朱葵捐金造橋如舊制

國朝康熙初聞寇燬橋復以船渡五十一年縉雲袁大

振捐田十一畝為造船費雍正八年知府曹掄彬銳

意興復期年橋成曹掄彬記雍正七年掄彬來守郡諮訪利弊惟茲橋為急乃商

同僚屬設法捐修計溪寬八十一丈需船四十八

隻每船闊七尺長四丈面板四十八節每節闊一

丈二尺長一丈六尺餘船六隻以備溪漲添用鎖

鍊二條鐵重五千五百八十餘觔鐵箍一百八十

個每個重二觔兩岸建亭北亭曰綠波樹宮保總

督李衛碑文置橋夫三十二名季給工食取於麗

麗水縣志

卷之三

水利

巽

隆中事嘉慶二十五年貢生鄭耀捐造渡船并

捐田十一畝二分有道光九年知縣黎應南碑道

光十四年大水比船碎岩汨沒鐵繩亦隨流去咸

議改建於南明矣十七年署知府于尙齡往視之

謂仍舊便核其租入刻期興工簡里中賢豪嚴程

督之踰月而成咸豐二年上流大水驟至船隨流

漂沒鐵繩亦沉橋遂廢同治九年知府馮譽驄謀

建復而繼於貲適有遂昌職員毛復裕捐錢一千

二百千慶元貢生葉成珊捐錢百千益以遞年存

貯租銀委經歷鄭國士職員潘紹唐董其役閱兩

月訖工樹碑於溪南仍題曰平政橋馮譽驄平政橋記同治九

年太歲庚午高要馮譽驄來權郡事緬趙宋范公之遺構范金剝木重作是橋橋之工與廢閱八百

年自南徙西皇朝曹公實勤實治茲繼其武九月始事十月畢工銘曰政既平橋既成涉大川利且貞 十一年橋復壞今 太尊潘

紹詒重修 賦役全書廣濟浮橋夫十六名每名銀四兩加閏銀每名三錢三分三釐三絲

六微 五塵

案浮橋之在枯蒼南明二門迭為興廢議者各持一是一是今考昔之在南明者以大溪水勢橫齧枯蒼北岸岸積沙不能禦而南明較平緩也元大德中築水障於上流則枯蒼較緩而南明為駛明代所以舍南明而就枯蒼也萬曆中李太守因南明舊址築隄障為捍衛旋即傾圯則謂必在南明者非通論矣至術家謂徙南明則人文為利無稽之言所宜塞耳也 濟川橋田畝租數 坐落本縣一都田地塘共二十五畝三分七釐八毫五絲九忽四都共地一十

麗水縣志

卷之三

水利

七

五畝六分三釐九毫四絲七忽 坐落雲和縣二都洪田等處田四十五坵三段計租穀七十六石四斗七升三都陳山岸田一段計租穀二石八斗附郭坊一梅壟灣口田一坵計租穀九斗八升案大水時浮橋解散仍以船渡所有橋租即渡租也

靈昭橋 在縣西十三里

通濟橋 嘉靖浙江通志作廣濟考 廣濟在枯蒼門外通志誤 在縣西二十里

石牛莊維舟為梁明制三年一修五年一造額設

橋兵四十名 賦役全書通濟浮橋夫七名每名工食銀五兩加閏銀四錢一分六釐六

毫六絲 六忽

普濟橋 在縣西二十里趙村莊道光二十四年何

煥卿等造

福安橋 在縣西二十五里下季村道光七年造
發龍橋 在縣西二十五里下季村明嘉靖間造

國朝乾隆間里人吳鈞修道光二十三年郎其莊周作霖修

白橋 在縣西二十五里

萬恩橋 在縣西二十八里余村明季造橋下爲放

生潭

躍鯉橋 在縣西三十里李湖莊

卧波橋 在李湖莊

蓮花橋 在李湖莊

麗水縣志

卷之三

水利

巽

積善橋 在縣西三十一里何村

國朝康熙三十年蒲塘楊尙增造道光十五年楊作霖修同治元年燬於粵匪九年邑人潘紹唐重造

貞女橋 在縣西卅五里風山下爲貞女口氏所造

石刺橋 在縣西碧湖下堡

畱愛橋 在縣西四十里鎮溪

鳳臺橋 在縣西四十里碧湖中堡

高巷橋 在碧湖莊

清明橋 在碧湖廣福寺後宋紹熙間進士紀鄒卿以清明掃墓病涉造橋墓前遂以爲名

清溪橋 在縣西四十里高溪

蘭山橋 在縣西四十五里蘭山頭乾隆九年里人

金炳造

萬年橋 在縣西四十三里姥嶺前嘉慶廿四年造

廣福橋 在縣西碧湖中堡

濟源橋 在縣西四十五里姥嶺下道光十九年里

人魏士光等造

朱村橋 在縣西五十里通濟堰葉穴上

家仁橋 在縣西四十五里蒼阮舊為木橋道光十

九年里人魏士才易以石

麗水縣志

卷之三

水利

巽

石犀橋 在縣西五十里石犀牛上通松遂二邑岸

近溪易崩故倣李冰在城都故事為石犀厭之

七星橋 在縣西四十五里三峯莊

三陽橋 在三峯莊

鎮南橋 在縣西五十里南溪村道光二十一年造

鎖川橋 在縣西五十里南溪村道光二十年里人

魏廷垣等造

雙阮橋 在縣西七十里十八盤嶺道光十六年里

人黃谷有造

砥柱橋 在縣南九十里木寮莊

旁山橋 在縣南七十里旁山莊

礮門橋 在縣南六十五里上井小井二村間嘉慶

六年造

公起橋 在縣南六十里大杉嶺下

後亭橋 在縣南六十里北部延昌寺後道光二十

二年里人葉顯魁造

步雲橋 在延昌寺後葉顯魁造

張庵橋 在縣南六十里北部

礮嘴橋 在縣南六十里嶺下莊嘉慶間何村徐壽

造

麗水縣志

卷之三

水利

三

吉宿橋 在縣南六十里均溪大浪灘右明何一中

造

華豐橋 在縣南六十里均溪莊大杉源水出其下

樂雲橋 在縣南五十五里河邊

渡南橋 在河邊莊同治十年里人葉長春造

武漣橋 在縣南六十里董村亦名董村橋相傳武

氏媪所造橋邊有武漣廟

蒸雲橋 在縣南五十里石侯村又名石侯橋

樂水橋 在縣南四十里礮頭嘴下長三十二丈嘉

慶五年造

楊村橋 在縣南三十八里

合印橋 在縣南三十里上沙溪莊嘉慶十六年里
人項起孝等捐造

卧龍橋 在縣南二十五里龍石莊旁有卧龍亭

大石橋 在縣南二十里

五銖橋 在縣南三里天井嶺下舊爲木橋有僧過
墜水汨而出得五銖錢一養於岸以錢更爲石橋

焉

南明橋 在南明山下道光十四年僧達識重造

下嶺橋 在縣南三里舊名下里道光二十年里人

麗水縣志

卷之三 水利

五

譚鳳岐造改今名橋上建亭名濟安

源頭橋 在縣南八十里道光十六年村人捐造

陳村橋 在縣南八十五里道光廿八年村人捐造

接濟橋 在縣南四十里松坑口同治九年葉文濤

徐元泰闕賡颺林萃英葉瑞榮章寶書等捐造

下庄橋 在縣南九十里咸豐六年村人捐造

河村橋 在縣南六十里各村捐造

通濟橋 在縣西南百二十里木寮下同治二年李

國標葉寶樹徐琨等捐造

登青橋 在縣東廿五里大阮莊道光二十五年造

通濟橋 在縣東十里水東梅溪二村捐造

雙橋 在縣東二十里巖泉莊

鐵店橋 在縣東十七里巖泉莊

雅麗橋 在縣東十五里鴉院莊

留步橋 在縣東十五里鴉院莊

仙人步橋 在縣東十二里龍壑今廢

下黃橋 在縣東十二里黃泥墩莊

留橋 在縣東十五里望城嶺

馬光橋 在縣東五里奚渡莊

南橋 在縣東五里下河莊九龍亭下

麗水縣志

卷之三

水利

五

黑橋 在縣東巖泉門外二里

馬明橋 在巖泉門外

行春橋 在行春門外

仙人擲杖橋 在縣東北六十里院里莊古樟橫卧

澗上可通往來

福清橋 在縣北七十里院水口

五官橋 在縣北何宅院里翁氏造

鶴院橋 在縣北四十里舊架木爲之水發輒壞道

光十三年里人何雲階易以石

延福橋 在縣北四十五里桑溪莊明何鋼造久圯

國朝道光二十三年重建

萬安橋 在縣北五十里洪渡莊舊名金竹口橋

國朝道光八年造知縣黎應南有記

上福橋 在縣北六十里西溪莊道光十年造

東山橋 在縣北六十里東山莊

德濟橋 在縣北七十五里庫頭莊道光二十一年

造橋西爲庫頭汛營房

雙源橋 在縣北八十里庫頭莊道光二十一年造

上陳橋 在縣北六十五里

太平橋 在縣北三十里

麗水縣志

卷之三

水利

三

葉崙橋 在縣北二十七里

拓後橋 在縣北十里

雨橋 在望京門外又名北郭橋

國朝乾隆四十年里人張繼日等重修教授吳懋政有

記

福星橋 在縣西北六十里道光二十四年蓮房村

人造

平水橋 在縣西北與宣平接界處故名屢壞於水

近歲里人何學仕潘卓等集資修築

仙人橋 在縣西北二十五里橋石皆豎立

國朝乾隆間有數石崩落匠者依倣爲之工不就仍以
卧石補成

裕橋 在縣西北二十五里張村街一名裕塘橋乾
隆間宣平江志維造

石獅橋 在縣西北二十八里牛軛嶺下里人曾省
吾等造

官橋 在縣西北二十里

蘆灣橋 在縣西北十里蘆灣莊

湯橋 在通惠門外湯山下麗陽之水經此入大溪
故又名溪口橋

麗水縣志

卷之三

水利

番

三巖橋 在通惠門外三巖寺前道光八年僧寶祥
造

蓮渠橋 在通惠門外

丁橋 在通惠門外

栝蒼渡 在栝蒼門外 舊有渡田租穀
見濟川橋下

國朝嘉慶二十五年貢生鄭耀以大水則浮橋解散行
旅恒自崖而返因造備渡船并捐田以給渡夫會

其餘羨爲修船費

賦役全書渡夫一名每歲給工
食銀貳兩遇閏加銀一錢六分

六釐六毫六絲六忽於地丁存留項下支銷 鄭
耀捐田一十三畝二分租穀二十官石道光九年
請禁渡夫勒索及奸民冒佔田畝勒石於岸
續有張麟等捐造渡船二隻張氏自行歲修

南明渡 在南明門外賦役全書渡夫二名每名工食銀與枯蒼渡同袁大進
捐田五畝坐落梁塍頭租穀十石又捐地四畝坐落山川壇租錢四千文許士元捐田一畝八分坐落桐嶺亭脚租穀三石二斗五升譚英才捐田一畝五分坐落俞莊前橋頭租穀二石二斗五升

下河渡 在城東五里自枯達甌此為要津明嘉靖初永嘉張孚敬築石為步萬曆三十七年圯於水知府陳見龍委其屬修之

國朝康熙二十六年知府劉廷璣築館於北岸雍正八年知縣王鈞修之渡無公費操舟者必盈載乃發

中流停篙橫索行旅積困嘉慶十八年居人醵金

麗水縣志

卷之三 水利

壹

購田以其租給渡夫行者始免頓滯焉賦役全書下河渡夫

二名每名工食銀同枯蒼渡下河渡捨田碑王

之獻助田四畝坐奚渡西院王之藩助田壹畝

五分塘一口坐巾山下張邊又田二畝五分坐巖

泉莊温州路王之翰助田四畝坐堰古櫨木橋

王之駿助田一畝三分坐雙靈殿前又助田一

畝坐下堰古漸塘沿又田一畝坐石版路又田八

分坐石牌門王之健助田二畝坐弓岸龍虎礮

又田二畝坐弓岸道士橋湯聘尹助田二畝五

分坐菲畚圩又塘一口又田九分坐山牛院砂塘

一口又田五分坐楓樹堀又塘一口坐金村莊

俞應龍助田四畝坐苦枝墳派塘岡等處程維

晶助田一畝二分坐大阮口石橋頭朱愛慶助

田一畝坐磁窰壽友松助地九分坐水南五顯

殿上王建德助地六分坐下河南橋頭王正

燦等一百八十二人合捐錢六百三十四千文買

得天潢畝央溝墩田一畝二分石柱瀛田九分黃

衙莊田九畝九分又塘一口三十三都田一畝

金村莊飛鴈圩田二畝五分弓岸大殿基田八

分金村莊半邊墳田三畝大阮口中山下處衙田
五畝七分關下坂涼亭路下田二畝關下常墳田
三畝又買得和尚岡地一畝七分少沙塘地四分
南橋地三分陳公塘地八分古城莊朝街口地一
畝二分塘一口南橋頭地八分弓塘莊後塘地三
分以上共田六十畝二分地六畝塘六口又
王正燦等捐錢三十千文湯聘尹
等捐錢十千文為生息修船費

柳灘渡 在縣東十里佛頭巖下船係龕潭陳姓造

賦役全書渡夫一名
工食銀與栝蒼渡同

風化渡 在縣東十五里

盧步渡 在縣東十里

烏灘渡 在縣東五里古城莊烏石灘游洞溪者必

問津於此今名好溪渡賦役全書渡夫一名
工食銀與栝蒼渡同

麗水縣志

卷之三 水利

五

清溪渡 在縣東十里水東莊即府志所云好溪渡

也舊只一船嘉慶間船重而沒死者四十九人乃

增置一船購田地十七畝一分為修造費立石水

東村內賦役全書渡夫一名工食銀同前嘉慶

十八年楊際棣捐田二分坐祝村莊雙棟

絲又捐田三分坐祝村屋後又捐田五分坐祝村

麥蒙又捐田二分坐祝村中央墳姚汝玉捐田

三分坐祝村壇橋又捐田二分坐祝村尹炭廠

吳廷勇捐田八分坐水東楊宅後王必重捐田

一畝二分朱大興等捐田地一畝坐梅溪烏墳
背張廷相捐沙地一畝坐黃泥墩豆腐店闕
金鑑捐田三畝坐鴉阮熊文光捐田一畝二分
坐阮口記坊又捐田三分坐阮口嶺顏王氏捐
田一畝二分坐奚渡西阮又捐田八分坐關下瓦
窰頭趙褚氏捐田一畝四分坐巴岡烏礮口
褚包氏捐田一畝坐巴岡烏礮口顧金氏捐田
一畝坐烏礮口陳黃氏捐田一畝五分又捐地

一片均坐賀家莊某宅後 案熊文光原捐田同治十一年易買水東土名剗船潭田一畝五分

堰後渡 在縣東十五里何村莊 賦役全書渡夫一名工食銀同前

阮口渡 在縣東二十里阮口莊 賦役全書渡夫一名工食銀同前

沈渡 在縣東二十里沈岸莊 賦役全書渡夫一名工食銀同前

項渡 在縣東三十里 賦役全書渡夫一名工食銀同前

浯溪渡 在縣北三十里又名太平渡

國朝道光二十一年里人捐田七畝三分地一片計租

三石塘二口給渡夫工食之費 吳孫祭捐田三畝坐落顧大阮蔡垵

等處 諸葛坦捐田五分坐浯顧趙衙 周子旺

捐田五分坐浯顧雙壇垵 王國祥捐田一分坐

車花凸吳家岸瓦窰後等處 王國財捐田五分

地一片坐竹洲貓舖又捐錢置買田一畝八分地

麗水縣志 卷之三 水利 五

一片計租三石塘二口坐麻車後河平坵吳家岸等處

松溪渡 在縣北三十里竹洲下巖

楓樹垵渡 在縣北二十里有渡田三畝有奇 坐巖頭下

國朝道光八年曾省吾武丕承林朝清等續捐田地若

干畝

黃山渡 在縣北二十里 賦役全書渡夫一名工食銀同前

畎岸渡 在縣西北五十里

義昌渡 在縣西北四十五里黃嶺上

澹灘渡 在縣西北三十里 賦役全書渡夫一名工食銀同前

竹洲渡 在縣西北四十五里

三港口渡 在縣西北二十里賦役全書渡夫一名工食銀同前

陳村渡 在縣西北三十里

吳孝渡 在縣西北

官橋渡 在縣西北二十里賦役全書渡夫一名工食銀同前

眾義渡 在縣西北二十里蘇步莊向有田地三十

七畝零給渡夫工食原地二畝八分道光十九年墾為田一坐殿前一畝二分

一坐橫路一畝六分潘卓捐田五畝坐洋四都

坡前又原捐沙地一片計三十六畝有奇巖頭下河邊二渡亦名眾義

萬福渡 在縣西柳溪舊有萬福橋燬於寇因以船

渡職員潘紹唐助田七畝給渡夫工食并建屋三

麗水縣志

卷之三

水利

五

間教職黃安瀾生員黃維元耆民李玉松司其出納焉

桃山渡 在縣西北五里

楊山渡 在縣南六十五里楊山嶺下向有北鄉楊

姓者捐田七畝以地在麗松接界處每年松陽縣給渡夫銀二十四兩

均溪渡 在縣南六十五里

玉北渡 在縣南六十五里玉溪溪北部二村間有田

十畝五分

大港頭渡 在縣南五十五里

國朝康熙四十八年寶定呂忠誌捐田以給渡費嘉慶

間河邊葉大滿小山呂和韶等捐造渡船三隻呂忠誌

誌捐助田畝册載稱字六百號六百十四號六百十五號六百十八號一千一百十九號一千一百二十三號一千一百二十四號一千一百二十六號以上八項計額田一十畝二分五釐一毫四絲二忽

石侯渡 在縣南五十里呂忠誌捐田十一畝四分

有奇賦役全書渡夫一名工食銀同前 呂忠誌捐田册載珠字號九畝一分一釐九毫二絲四忽又稱字號二畝三分三釐七毫五絲

南山渡 在縣南四十里上南山又名驢山渡

國朝雍正元年葉亨修創立并置田道光十九年增置

麗水縣志

卷之三

水利

堯

一舟林趙氏捐田若干畝

黃葉渡 在縣南四十里礮步莊向有箬溪莊黃葉

二姓捐田以資渡費後魏村孀婦齊氏續捐租穀二十石齊氏捐田一坐十八都石侯莊租穀十石一坐十九都連河莊租穀十石

松阮口渡 在縣南三十五里

縣頭渡 在縣南三十五里賦役全書渡夫一名工食銀同前

浣溪渡 在縣南三十里沙溪村葉大昌捐田一畝五分坐前坑 陳廣捐田一畝五分坐上趙壟 陳式金捐地五分 陳祖行捐地五分均坐溪邊沿

仁居渡 在縣南二十里白峯

黃渡 在縣南八里白巖賦役全書渡夫一名工食銀同前

寶定渡 在縣西五十里賦役全書渡夫三名今名

六和渡

九龍渡 在縣西三十里賦役全書渡夫一名工食銀同前

石牛渡 在縣西二十里向為浮橋舊紀所云通濟

橋者也

國朝康熙十三年燬於寇張呂二姓置二船以渡四十

七年張亨華捐田地十六畝六分有奇四十八年

呂忠誌捐田二十一畝有奇道光三年趙永清捐

田一畝有奇賦役全書渡夫三名工食銀同前

張亨華捐助田畝冊載辰字一百八

麗水縣志 卷之三 水利 卒

號四百七十六號五百三號六百五號 呂忠誌

捐助田畝冊載稱字五百五十八號五百六十一

號五百六十二號五百六十五號五百六十六號

五百六十七號五百六十八號五百七十號五百

七十一號五百七十三號五百七十四號五百七

十五號五百七十六號五百八十二號五百八十

三號五百八十五號五百八十六號一千一百零

四號一千一百三十一號 趙永清捐田坐趙村

壩頭計一畝五分

望仁渡 在縣東十五里黃泥墩莊舊無渡船同治

四年里人王全棟王陳珍等捐造渡船一隻渡屋

三間又購田地六畝七分為修造費王全棟助地

王陳珍王金樹合助地一畝坐橫板一畝坐橫板

助渡屋基址一塊 又買普信寺前田一畝三分

虎裡塘田一畝二分橫堰 田一畝二分潭沿地一畝

巨源渡 在縣南五十里石侯舊置船二至乾隆間
西坑徐士光前山李榮鴻及下園陳村下庄增設
一船復助渡屋一座田租十八碩以給工食同治
元年匪燬徐琨李國材等重造又助田租十四碩
正

巖頭渡 在縣西十五里四都下堰生員黃開先助
渡屋基地捌分貢生鄭耀助田叁畝正

鐵壩 在南明行春二門之間二門瀕大溪山水斗
發居民首被其患故老謂明誠意伯劉基螯石禦
水錮以鐵汁壩存則水不入城

麗水縣志

卷之三

水利

全

國朝嘉慶五年署知府張士楹捐俸修之今愚民竊石
爲垣礎寢壞舊防有土者當懸爲厲禁也

水障 在枯蒼門外琵琶洲北先是郡城屢遭水患
元大德七年有異人不知所自來鳩資壘石捍禦
上流使毋橫決入城閱十年甫成而去居民咸享
其利呼其地爲仙人渡後稍圯州守韓裴修之明
嘉靖七年知府潘潤以洪流蕩激障內空運石增

築金文詩是誰礮石爲高障從此洪濤不敢
狂郡郭無虞民舍固枯州千古賴隄防